

任斯事者無所考則乃從魯謠問方畧及詢過
客質吏牘作至正河防記欲使來世罹河患者
按而求之其言曰治河一也有疏有濬有塞三
者異焉醜河之流因而導之謂之疏去河之淤
因而深之謂之濬抑河之暴因而扼之謂之塞
疏濬之別有四曰生地曰故道曰河身曰減水
河生地有直有紆因直而鑿之可就故道故道
有高有卑高者平之以趨卑高卑相就則高不
壅卑不瀦慮夫壅生潰瀦生堙也河身者水雖

通行身有廣狹狹難受水水溢悍故狹者以計
闢之廣難為岸岸善崩故廣者以計禦之減水
河者水放曠則沙制其狂水隲突則以殺其怒
治隄一也有剏築修築補築之名有治水隄有
截河隄有護岸隄有縷水隄有石舡隄治埽一
也有岸埽水埽有龍尾攔頭馬頭等埽其為埽
臺及推卷牽制薶掛之法有用土用石用鐵用
草用木用找周組之方塞河一也有缺口有豁
口有龍口缺口者已成川豁口者舊常為水所